

أمة محمد

أشعار بالعامية المصرية

للشاعر / أكرم حسن احمد

إهداء

إلى امتنا الغالية
(خير أمة أخرجت للناس)
إلى طاهرة روح أبي
وعطاء / أمي الحبيبة
ووفاء زوجتي الغالية
إلى إخوتي الأعزاء
أكرم حسن احمد

بدون عنوان

إيه بيدينك..
أحمل دينك
حكم نفسك..
شرع الله
إطوي سكوتك..
أعلى بصوتك..
أصرخ قول للعالم لا
ياخدوا حياتي..
ثم حياتي
لكن ديننا ح يفضل أه .
إرمي بذورك..

بكرى جذروك..

تطلق ..

تملى الدنيا حياه

حمزة ومصعب ..

والقعقاع

شجرة وطارحة معتصماه

طلقت فجأه ..

صلاح الدين

ولأ تاريخنا إحنا بننساه

إحنا أسود العالم كله

بس نسبنا من تفهاتنا

ونرجع تانى نقول الله

بس نسيينا
من تفهاتنا
ونرجع تانى لشرع الله .

بدون تعليق

ممکن نڪون..

زی الغاء

واخذتنا بعض البرمجه .

لكن في وقت الدربة

تلقى القلوب متشابكه

تلقانا وسط المعركة

زي الأسود

أقدمنا بتهز الروعد

ننسى الحياة و المنظره

نفتح ببيان المقبرة

محناش تاريخ راح وانتهى

إحنا الحقيقة وشمسها

لومات عمر
أو معتصم
الفجر لسه بيبتسم .

دموع ع الأرض

ف البداية
تسمحوا لي أعرّفكم
أنا بنفسي
أنا / أكرم
دا اسمي
ميلادي كان ف سبتمبر
٨ ف القدس
وعيت ع الدم والصرخة
واخويا شهيد
فدا الأقصى
أبويا ..
جريح

وعمى..

جريح

هموم بتطيح ..

بلا مرسى

دموع أمي اللي ربتنى

حنان اختى اللي ضمنتني

جابت لي حصان ..

وجلاية

وجزمة جديدة وطاقيه

ولعبتني

أنا و اختى وفاء ويا

ولاد وبنات من الحاره

تشوف ف عنيتها..
كام بسمه
واشوف الدمعة تدارى
وكانت كل يوم بالليل..
تغنى لي..
وتحكى لي..
حكاية ستنا مريم ..
لحد ما نام
حنان كانت كما البستان
بيطرح كل يوم ورده
ف بسمتها
فتحت بإيدى أنا دولابها

لقيت فستان..
فوقيه طرحة
وف أيديها اليمن ..
دبلة.
حكّت لي حنان..
سبع ورقّات..
في كراسه
في يوم زفتها لحبيبها
نادى له القبر برصاصة
و دمع حنان على الطرحة
و ليله صحيت على صرخة
طلعت أجرى..

لقيت باب بتنا متكسر

لقيت الدم متبعثر

على الجدران

لقتها حنان

وضمه عروسه..

ف ايدها

فضمتها ..

ونادتها ..

مردتشي

لقيت الدنيا بتمطر

دموع ع الأرض

شهيد حنان .

سنين وأيام..

وبتعدى
ونفسي ف يوم..
أشوف فرحة
بلاقى حنان..
ف ميت صرخة
وكام مليون من الجرحى
بيوت تنهد..
أيدين تتمد..
و بنت جرننا زفوها..
في يوم للقبر
كتبت جواب لأمتنا
حلمت نعود للمتنا
محدث رد

ف حلمي انهد
زمان گنا
عشان گنا
نخاف على بعض
زمان گنا
عشان گنا
نخاف ع الأرض .

أمة محمد

مسكت بيدي كتاب
وقريت لي كام قصة
لقيت تاريخنا انتها
والأمة مش حاسة
وشبينا رافعة شعار
التيّنا والنيّنا
وهوبا يالا نقوم..
نرقص كمننا
و إن قولت شيء ف الدين
ابعد بعيد عنا
يا عم خف تعوم

شعبولا غنالنا
أنا بكره إسرائيل
وبنتها عجبنا
وإحنا شباب النيل
ولاعها ولاعها
وركبنا على الحصان
وحصاتها وقعها
شباب يسب الدين
وشباب يقول ...
وبنتنا لابسه طويل
ميني جب ..
وبلوزة

و الشعر سلك غسيل
و جهينه بالموزة
وشيلة خط النيل
وتشد في الجوزه
وبعد نص الليل
الرنه تحللها
الوه يا واد يا ثقيل
سهلها سهلها
والتانية لابسمة ما فيش
وتقول لي ع الموضة
حمالة ع الكتفين
ولا طفله ف الروضه

واسمع كلام العجب
من طفل في الفوله
أهوال ورا أهوال
وبيوتنا مسنولا
الأب ع القهوة
والأم مشغولا
والدش فوق البيت
و السجما و الأولى
والرقص بالعريان
ف بيوتنا معقولا
أمة محمد فين ؟!
وإيه بيجرى لها ؟!

و مين يقوم للدين ؟!
و مين يحررها ؟!
وسمعا صوت البارود
ف القدس
هجيننا
سبنا هناك عرضنا
ناسنا و اهليتنا
تنهش كلاب لحمنا
وقف وسط اراضيها
و نسينا شكل الموت
وكانه مش ليننا
ووقفنا للحواديت

نكتبها بأدينا..
غش وخرافة خداع
ونسلى بعضينا
وف وسط أهل الفن
تهنأف ليالينا
وعلى طيلة ابن الجن
رقص البنات لينا
ورسمنا ألف طريق
ممك يودينا
نوصل لبحر غريق
وايه ينجينا
شيش الجهار و اليك

والقهوه والشيشا
لبس البنات في الحي
واللف حوالينا
ولا الشباب النّي .
اللي ممكن يعطينا
بحلم نفوق ونحسن
ونبص تحتينا
تحت التراب أرواح
ودرنا هحينا
تحت التراب أرواح
ودرنا وهجينا .

في حب مصر

ف يوم النصر
ف أكتوبر
ف شهر الصوم
على الجبهه
عشان خطرڪ..
دفع مهرڪ
وسال دمی
على تراپڪ
وشوفته أبویه
ف منامی
یا مصر..
ف حضني

بتنامي
و غنيك..
تغني له
وبفرح جوه أحضناتك
ف حبك مصر..
ضحينا
حدود الصعب..
عدينا
وبسم الله وكبرنا
رفعنا الرايا باديها
ف حبك مصر
بحور الشعر

ننساها
و بكتبك على الأشواق
أنا المشتاق تضميني ..
أنا الشاعر ..
بحالة عشق فياضة
أنا نفسي أكون نيلك
و قنديلك
و انور لك أنا ليلك
أكون لحنك
و أغني لك
عن الأشواق
وعن عمرك

وعن شمسك
وعن قمرک
وع الأغصان
یا غصن زتون
حمام ابيض
تاریخ وحضارة جواکی
یاست الحسن
یا شيله الحزن من قلبي
و زراعه الحب جوانا
وحشتيني وأنا معاکي
وأنادي لك
أنا جيلک

أنادي لك ..
تضميني
وتخديني
تلاقيني ..
أنا في نيك
وعديك من الأهوال
وان طالت ..
هموم الدنيا
لو مالت على كتفك
أشيلها لك ..
وعديك صعب وصعب
بحبك مصر وبقوة

يا نبض القلب من جوه

يا دم بيجري

فـ عروقي

كتبت لك

ومن شوقي

بحب فـ شعبك الطيبة

وروح النصر

بحبك مصر .

۱۰۰
۱۰۰
۱۰۰

ليكي ..

مسكت القلم

وكتبت يامه..

أفراح

دلوقتي ببكى بندم

ويقول كفاية..

جراح

بنبيع فى بعض

- التمن

جبن وفضيحة وعار

و اندسنا تحت القدم

وايه أخرت الانتظار

عائزين يهدوا العلم
و إسلامنا منا يضيع
وإحنا في خوف
م الأسم..
أصبحنا بعض نبيع



تقرأ التاريخ تتأمل
تحلم يعود النور
تلقى الحقيقة تسلم
تبكي بصوت مكسور
شايف ضلال بيعلى
سكة وطريق مقفول
وسط الظلام بيعلم
فن الحياه ..
بـزور

تسكت تخاف تتكلم
تصبح في وسط السور
شيء في الوجود أتغير
جوه الصدور محسور
لكن هأقول وأتكلم
كلمة في وسط سطور
مهما الضلال يتغلب
دينا أصول وجذور
اصبر كمان واتحمل
مهما الليالي تطول
بكرة اللي جاي هيكمل
حتى يتم النور ..

عقد وخلق

يا اللي عملت من البنات
عقد وحلق
ولعبت بيهم ف الطرق
وكتبتهم ف أجنديتك
ورسمتهم على لوح ورق
وعملت منهم " ١٠٠ " حكاية
بتحكي
وجرحتهم مليون جراح
ما بينتهي
قلب البنات اللي انخدع
من نظرتك ..
من بسمتك ..

قلب البنات اللي انخدع
من كلمتك
وفردت ليهم قوصتك
وعملت منهم قصتك
وعملت فيها انك بطل
دمع البنات..
ليه بببسطك ؟
هما البنات زى السمك
غشك خداعك ليه شبك ؟
قلب البنات اللي انشبتك بمحبتك
وغدرت بيه.
إيه حكمتك !..

ياللي عملت من البنات

عقد وحلق

ولعبت بيهم ف الطرق

حلم البنات اللي انهدم

قلب البنات اللي انقسم

جرح وألم..

حزن وندم

قلب البنات اللي انظلم

كان جوه منه انت الأمل

كان جوه منه و الجنة

يلمح عيونك تبتسم

وف النهاية بينجرح

ويكون دموعه سنين ثمن ... !

يا اللي عملت من البنات

عقد وحلق

ولعبت بيهم ف الطرق

قلب البنات لو يوم حكى

هتوه عيونك م البكى

جوه البنات دبلة وفرح

جوه البنات بستان مرح

بس اختفى من جرحنا

حلم البنات مش حلمنا

اصل البنات مش زينا

البنات مش زى الولد

البننت حس بيتولد ..
إن مات بيرجع يتولد
البننت زى اللؤلؤة
بركان تقى لو تفهمه !
يا اللي عملت من البنات
عقد وحلق
ولعبت بيهم ف الطرق
خد البنات اللي إترسم
فوق منه شطين م البكى
و اداروا باللون والألم
خد البنات اللي ابتسم
مش بسمته

قلب البنات اللي ابتسم
جواه بيكنتم دمعته ...!
يا اللي عملت من البنات
عقد وحلق
ولعبت بيهم ف الطرق
قلب البنات اللي انكوى
من نار هوى
شوف رفته
حتى الهوا بيجرحه ..!
يا اللي عملت من البنات
عقد وحلق
ولعبت بيهم ف الطرق

قلب البنات اللي أنجرح
لو يوم فرح
تلقى الشوارع تبتسم
تلقى الحياة ياسمين طرح
يا اللي عملت من البنات
عقد وحلق
ولعبت بيهم ف الطرق
وكتبتهم ف أجنديتك
ورسمتهم على لوح ورق

شجاعة

بحلم تعودى وترجعي
وتكوني لنا
بحلم تكوني انتى البحور
وانتى السفينة
وتعدى بينا
تهنا ما بين الفين شعار
صرنا نقدم اعتذار
لكل طيف يمر بينا

بِسْمِ اللَّهِ

من خوفنا شدينا اللجام
من خوف نتوه وسط الزحام
والظلام ..
غمم عينا
وهربنا من كل الآلام
ووقفنا على حرف الميدان

حبة نقط

• مكتوب على حبه ورق

بغداد رفح

الكيل طفح

ومعاش باقي غير صفح

• عيشين في جو الأمركا

والجمركه ..

حتى مصيرك أمركا

مبقاش لكَا

• احنا عشقنا الفداكة

والمن والسلوى..

مش موجودين

• يا أمه تاهت من سنين

مترجعي طعم الحنين

فتحي كل الشوارع

ودعي كل المواجه

أنا لسه راجع من السفر

ولا السفر راجع لنا

• يا امه لية الخص خاصه

و الماص ماصه

واحنا الملك مملوك لهم

• البيضة كانت من الفراخ .

دلوقتى بقيت م الديوك

يا ديوك صياحكم عربده

وشا .كا. ولا. مه

ليه كل.لا.ما

ماسمعتوا "عو"

صياحكم يصيح

" صوصوا"

• في ليلة جمعتوا الجيوش

.ايه السبب؟!

بعداد بناتها بتقتصب

وسبوا سيدنا النبي!

مليون بريء جوة القفص

والكل جوه المعتقل

م تقولي مين المتهم

• لو نقطة بيضة في وسطنا

سودة

العار صبح بين العرب

موضة

• من غير دراع

من غير قدم

ثابت

و إحنا السو لأم

فينا الأمال خابت

إهداء إلى الشيخ أحمد يسن

• لو خفت من بكرى

مقدرش أعيش يومي

وإن عدت بالذكرى

أندم على يومي

حلم الشباب

لم انحصر

بين شفتها و قابلتها

خلى التاريخ منا إنكسر

خلى التاريخ منا انتهى

حرب البشر

بينى وبين نفسك حصار
.. اسمه الأنا
هدد حيتنا كلنا
أعلى وتعالى بجرحنا
حب ألانا ..
جرح الحياة
وبقينا ماشين بالريموت
وبقينا نزرع
بايدينا موت
وقفين نحارب بعضنا
وكأننا ..
مش من هنا
ولا من هناك
وكأننا ..
بركان هلاك
حب ألانا ..
وعشان نكون
غصن الزيتون اللي انفرد
و زرعنا فوق منه الدمار

طلع الخضار ..
شاييل كفن
محناش بشر ؟
حتى القمر ..
وسط السما
- ويا النجوم
كان كل ليلة يضمنا
ويزيح هموم
عملنا غيره كام قمر
امريكا سات
واوربا سات
وعربنا سات
والآلاف نجوم
متعريين
متوزعين
على ١٠٠ قناة
وسط البيوت يتمهيصوا
طلعت بناتنا يرقصوا

من غير صجات
وسط الشوارع والحرات
مات الخشا
مات الحيا
والحب مات
حب الانا ..
ظهر الفساد
بلاد بتدخل..
ع البلاد
أمريكا تضرب
ف العراق
والقدس عايشه..
ف كربلاء
حب الانا..
أصبح وباء
لما انتشر
ضر الهواء
والميا والطين والثمر

وسمعا أنات القدر
في كل لحظة ألف أه

حب الاتا..
جرح الحياة
يا جيل وطالع..
لسه ما..
قبل ما تطعموا..
ضد الشلل
اتطعموا..
ضد الاتا
علشان تعود تاتي الحياه
علشان تعود
تاتي الحياه

تمت الطباعة
في مطبعة الحرمين الشريفين
بالإسماعيلية

رقم الإيداع بدار الكتب
(٢٠٠٦/٩٢٩٥)

النشر وحقوق الطبع للشاعر / أكرم حسن احمد